

襄陵縣志卷之三

沿革

三代分封采邑殊號及秦郡縣海內之地代輒更名襄陵相傳以晉襄公趙襄子俱葬於此而得各實始見於漢書地理志隸河東郡自後或改名或改隸沿革既已不同考核自宜詳備或以襄陵不始自漢書而先見於史記魏世家文侯十九年齊伐取我襄陵不知彼之所謂即地理志陳留郡之襄邑以宋襄公陵而得名者地名同而地異附辨

襄陵縣志

卷之三

沿革

唐分天下為九州縣為冀州之域在畿內近地

虞肇十有二州仍屬冀

夏復九州之舊仍屬冀

商仍夏舊

周成王封叔虞於晉縣在封內春秋時大夫祁犁食邑於此戰國屬魏

秦廢封建置郡縣屬河東郡襄陵疑始於此

漢仍秦制新莽改名幹昌後漢復舊三國地入魏屬平陽郡

晉屬平陽郡惠帝永興元年地入偽漢劉洲以浮山省入本縣

北魏屬平陽郡後魏因浮山地別置葛城縣改平陽為唐州尋改為晉州縣皆屬焉太武始光四年

連昌於臨汾東北置擒昌縣以葛城省入臨汾即今太平縣

北齊 移擒昌入襄陵併各為擒昌縣即今縣治東南二十里城南村仍屬晉州

周 取葛城故地為郭城縣

隋 文帝初改平陽為平河郡尋復舊名未幾仍改郡為晉州縣皆屬之復以郭城省入煬帝大業初分平陽舊地為六郡而縣屬

臨汾郡復各襄陵

唐 高祖武德二年裴寂言襄陵地廣析置浮山縣遂移縣治於汾水西宿水店即今縣治西南古襄陵村憲

宗元和十四年屬絳州文宗太和元年屬河中府皆隸河東道

五代 梁改晉州為定昌軍尋改建寧軍唐改建雄軍縣皆屬焉晉初屬絳州後改河中府

宋 仍屬建雄軍太宗太平興國二年復屬晉州仁宗天聖元年移縣治於晉橋店即今治神宗熙寧間以鄉

襄陵縣志

卷之三

沿革

二

寧縣省入本縣徽宗政和六年陞州為府縣屬之靖康後陷于金

金 屬平陽府隸河東南路總管

元 初改府為平陽路成宗大德中復改為晉寧路縣隸焉

明 太祖洪武二年復改晉寧路為平陽府隸山右布政司縣屬之

國朝 因明舊雍正二年改屬絳州七年確查離絳百里之外官民不便復屬平陽

疆域 附

廣 七十五里

袤 四十里

東 至浮山縣高村界六十里至縣一百一十五里

西 至鄉寧縣水泉槽界一十五里至縣一百五十里

南 至太平縣故城里界二十八里至縣六十里

北 至臨汾縣北陳村界一十二里至縣三十里

東南 至翼城縣一百里

西南 至稷山縣一百五十里

西北 至蒲縣一百七十里

東北 至岳陽縣一百二十里

東北 至平陽府三十里

東北 至省城六百三十里

襄陵縣志

卷之三

疆域

三

東北至

神京一千八百三十里